

Af húsaleigustyrk, sem launagreiðandi greiðir launamanni sínum, ber að reikna staðgreiðslu að fullu.

Fylgi starfi launþega kvöð um búsetu í húsnæði, sem vinnuveitandi lætur honum í té, er skattstjóra heimilt að lækka mat húsnæðishlunninda með hliðsjón af ákvæðum 5. gr. reglugerðar nr. 334/1982 við álagningu opinberra gjalda á næsta ári eftir staðgreiðsluár, svo sem verið hefur.

Eigi skal meta launamanni til hlunninda afnot af húsnæði í verbúðum eða vinnubúðum þar sem launamaður dvelur um takmarkaðan tíma í þjónustu launagreiðanda.

7. Fatapeningar.

Af fatnaði, sem ekki telst einkennisfatnaður, skal reikna staðgreiðslu af kostnaðarverði.

Eigi skal reikna launamanni til tekna nauðsynlegan hlífðarfatnað sem launagreiðandi afhendir honum til afnota við störf í þágu launagreiðandans. Af greiðslum launagreiðanda til launamanns til kaupa á fatnaði skal hins vegar ávallt reikna staðgreiðslu af allri greiðslunni.

Reykjavík, 2. janúar 1996.

Snorri Olsen ríkisskattstjóri.

REGLUGERÐ

um kaup og úthlutun á greiðslumarki sauðfjár vegna framleiðsluaðlögunar.

1. gr.

Ríkissjóður kaupir allt að 30 þúsund ærgildi af greiðslumarki sauðfjár samkvæmt umsóknum frá greiðslumarkshöfum. Greiða skal fyrir bústofn og greiðslumark sauðfjár skv. nánari ákvæðum í 2. gr. þessarar reglugerðar. Kaup ríkissjóðs takmarkast við 443 millj. kr. á verðlagi 1. október 1995.

Framkvæmdanefnd búvörusamninga tekur við umsóknum og annast samninga um kaup ríkissjóðs á greiðslumarki sauðfjár og skulu samningshafar undirgangast kvöð um að framleiða ekki sauðfjárafurðir á samningstímanum. Kvöð þessari skal þinglýst á lögbylí það sem greiðslumark er keypt af. Framkvæmdanefnd annast þinglýsingu samninga og greiðir kostnað sem af því leiðir.

2. gr.

Um kaup ríkissjóðs á greiðslumarki sauðfjár og bústofni gilda eftirfarandi ákvæði:

- a) Greiðslumarkshafi sem samdi fyrir 15. nóvember 1995 fær bæt看ur sem svara til þriggja ára beingreiðslna. Gjald dagar skulu vera hinir sömu og um beingreiðslur væri að ræða. Greiða skal kr. 5.500 fyrir hverja á sem fargað er, allt að einni á fyrir hvert ærgildi greiðslumarks. Fyrir hverja á sem fargað er umfram selt greiðslumark skal greiða kr. 2.000, þó aðeins fyrir ær og gemlinga sem koma fram á ásetningsskýrslu 1994/95 hjá samningsaðila. Greiðsla skal innt af hendi í janúar 1996.

- b) Greiðslumarkshafi sem semur fyrir 1. júlí 1996 fær bætur sem svara til tveggja ára beingreiðslna. Gjald dagar verða sömu og um beingreiðslur væri að ræða. Greiða skal kr. 5.500 fyrir hverja á sem fargað er, allt að einni á fyrir hvert ærgildi greiðslumarks. Greiðsla skal innt af hendi í janúar 1997.
- c) Greiðslumarkshafi sem semur 1. júlí 1996 eða síðar fær bætur sem svara til tveggja ára beingreiðslna. Gjald dagar verða sömu og um beingreiðslur væri að ræða.

Greiðslur fyrir bústofn samkvæmt b-lið skulu verðtryggðar m.v. vísitölu neysluverðs 1. október 1995.

3. gr.

Greiðslumark sauðfjár sem ríkissjóður kaupir skal úthluta til framleiðenda sauðfjárafurða. Úthlutunin fer fram í tvennu lagi: Fyrst skal úthluta greiðslumarki sem keypt er skv. umsóknum sem bárust fyrir 15. nóvember 1995 og skal úthlutunin koma fram í greiðslumarksskrá 1. febrúar 1996, sem gildir fyrir það ár. Síðan skal úthluta greiðslumarki sem keypt er skv. umsóknum er berast fyrir 1. júlí 1996 og skal sú úthlutun koma fram í greiðslumarksskrá, sem miðast við 15. september 1996 og gildir fyrir árið 1997. Greiðslumarki sem losnar síðar á gildistíma samnings um framleiðslu sauðfjárafurða frá 1. október 1995, verður úthlutað árlega.

4. gr.

Sé greiðslumark lögbylis í sauðfé 180 ærgildi eða meira skal því úthlutað viðbótar-greiðslumarki, en þó því aðeins að heildargreiðslumark lögbylisins í sauðfé og mjólk fari ekki umfram 450 ærgildi á hverja fjölskyldu sem stendur að búinu. Eitt ærgildi í mjólk jafngildir 174 lítrum. Standi fleiri en ein fjölskylda að búrekstri á lögbylinu geta viðkomandi aðilar sótt um úthlutun á greiðslumarki með því að tilkynna hlutdeild sína í reiknuðu endurgjaldi af búrekstrinum. Skal aðili að lágmarki telja fram 2/3 hluta af meðaltals reiknuðu endurgjaldi á búinu samkvæmt skattframtali 1995 til að teljast fjölskylda í þessu sambandi.

Sé greiðslumark lögbylis innan við 180 ærgildi í sauðfé getur greiðslumarkshafi sótt um úthlutun að uppfylltum eftirfarandi skilyrðum, sem bæði skulu uppfyllt:

- a. Að tekjur af sauðfé skv. landbúnaðarskýrslu með skattframtali 1995 séu að lágmarki 67% af heildartekjum að frádregnum söluhagnaði. Til tekna af sauðfé skal telja fjárhæðir í reitum landbúnaðarskýrslu nr. 3.1-3.7, 9.5, 9.6, 10.1 og 10.2. Söluhagnaður er tilgreindur í reit 12.9.
- b. Að tekjur skv. reit 7.9 á skattframtali 1995 að frádregnum reiknuðum launum af landbúnaði skv. reit 7.5 og að frádregnum hreinum tekjum af landbúnaði skv. reit 7.7 séu lægri en kr. 500.000 hjá hjónum og sambúðarfólki sem telja fram sameiginlega eða kr. 250.000 hjá einhleyping.

Heimilt er vegna riðuniðurskurðar að veita undanþágu frá skilyrðum um tekjur og reiknað endurgjald.

5. gr.

Við útreikning vegna úthlutunar skal miða við greiðslumarksskrár mjólkur og sauðfjárafurða eins og þær voru 1. maí 1995. Úthlutun á greiðslumarki til þeirra sem eiga rétt til úthlutunar samkvæmt 4. gr. skal fara fram með eftirfarandi hætti:

- 1. Deilt er út sama fjölda ærgilda hverju sinni til hvers og eins lögbylis sem hefur 180 ærgildi eða meira í sauðfé.
- 2. Jafnhliða því sem greiðslumarki er deilt út skv. 1. tl. er deilt út greiðslumarki til lögbyla sem falla undir skilyrði 2. mgr. 4. gr. Greiðslumark þeirra skal aukið um sama hlutfall hverju sinni og þeirra sem eru með 180 ærgildi í sauðfé.

3. Greiðslumark sauðfjár á hverju einstöku lögbýli verði aukið að hámarki um 10% þó þannig að samanlagt greiðslumark í mjólk og sauðfé að teknu tilliti til úthlutunar, verði ekki umfram 450 ærgildi á fjölskyldu miðað við greiðslumarksskrá 1. maí 1995.
4. Í þeim tilfellum sem sækja þarf um úthlutun, sbr. 4. gr. skal úthlutun vegna umsókna sem berast fyrir 25. janúar 1996 taka gildi fyrir beingreiðslu á árinu 1996. Úthlutanir vegna umsókna sem berast eftir þann tíma taka gildi fyrir beingreiðslur á árinu 1997.

6. gr.

Úthlutun á greiðslumarki sauðfjár samkvæmt reglugerð þessari er háð staðfestingu landbúnaðarráðherra.

Reglugerð þessi er sett samkvæmt heimild í lögum um framleiðslu, verðlagningu og sölu á búvörum nr. 99/1993, með síðari breytingum, og öðlast þegar gildi.

Landbúnaðarráðuneytinu, 16. janúar 1996.

Guðmundur Bjarnason.

Jón Höskuldsson.

Nr. 24

2. janúar 1996

AUGLÝSING

ríkisskattstjóra nr. 2/1996 um vísitölu jöfnunarhlutabréfa.

Samkvæmt ákvæðum 5. og 6. málsl. 1. mgr. 9. gr. laga nr. 75/1981, um tekjuskatt og eignarskatt, hefur ríkisskattstjóri reiknað út vísitölu almennrar verðhækkunar í sambandi við útgáfu jöfnunarhlutabréfa á árinu 1996 og er þá miðað við að vísitala 1. janúar 1979 sé **100**.

1. janúar 1980	vísitala	156
1. janúar 1981	vísitala	247
1. janúar 1982	vísitala	351
1. janúar 1983	vísitala	557
1. janúar 1984	vísitala	953
1. janúar 1985	vísitala	1.109
1. janúar 1986	vísitala	1.527
1. janúar 1987	vísitala	1.761
1. janúar 1988	vísitala	2.192
1. janúar 1989	vísitala	2.629
1. janúar 1990	vísitala	3.277
1. janúar 1991	vísitala	3.586
1. janúar 1992	vísitala	3.835
1. janúar 1993	vísitala	3.894
1. janúar 1994	vísitala	4.106
1. janúar 1995	vísitala	4.130
1. janúar 1996	vísitala	4.245

Við útgáfu jöfnunarhlutabréfa skal annars vegar miða við vísitölu frá 1. janúar 1979 eða frá 1. janúar næsta árs eftir stofnun hlutafélags eða innborgunar hlutafjár eftir þann tíma, en hins vegar við vísitölu 1. janúar þess árs sem útgáfa jöfnunarhlutabréfa er ákveðin.

Reykjavík, 2. janúar 1996.

Snorri Olsen ríkisskattstjóri.